



FEDERATA E HENDBOLLIT E KOSOVËS
KOSOVA HANDBALL FEDERATION
RUKOMETNI SAVEZ KOSOVA

RR E G U L L O R E

PËR REGJISTRIMIN E KLUBEVE, LOJTARËVE, STATUSI DHE TRANSFERI I TYRE

Në bazë të nenit 6.5 të Statutit të FHK-së, dhe Rregulloren mbi transferin e lojtarëve të IHF-së Bordi i FHK-së në mbledhjen e mbajtur më 01.10.2022 miratoi ndryshimet dhe plotësimet në:

R R E G U L L O R E N

PËR REGJISTRIMIN E KLUBEVE, LOJTARËVE, STATUSI DHE TRANSFERI I TYRE

I. DISPOZITAT E PËRGJITHSHME

Neni 1

Me rregulloren për regjistrim (në tekstin e mëtejme rregullore) rregullohet procedura dhe mënyra e regjistrimit të klubeve, lojtarëve, trajnerëve, gjyqtarëve, kontrolluesve dhe personave të tjerë (kryetarëve, përfaqësuesve, mjekëve, teknikëve mjekësorë, etj. të klubeve), mënyra e kalimit të lojtarëve prej klubit në klub dhe e drejta për pjesëmarrje në gara të FHK-së, e drejta për paraqitje në gara të nënshtetasve të huaj për klube anëtare të FHK-së, e drejta për pjesëmarrje të lojtarëve të Kosovës nëpër klube të jashtme, si dhe Libri i regjistrimit dhe mënyra e udhëheqjes.

II. PARAQITJA DHE REGJISTRIMI I KLUBEVE

Neni 2

Për tu anëtarësuar një klub hendbolli për meshkuj apo femra në FHK, duhet ti plotësojë këto kushte (të plotësohet Formulari nr.1):

1. Ta paraqetë Kërkesën për anëtarësim (regjistrim) në FHK,
2. Kërkesës t'ia bashkangjetë procesverbalin e kuvendit të vet konstituiv, me regjistrin e emrave të anëtarëve të Kryesisë së Klubit,
3. Kërkesës t'ia bashkangjetë kopjen e Statutit të klubit, i cili nuk duhet të jetë në kundërshtim me Statutin dhe aktet të tjera normative të FHK-së,
4. Të ketë regjistrimin si OJQ pranë organit gjegjëse të komunal, si dhe vendimin mbi regjistrim pranë organit kompetent komunal (Drejtorisë së Sportit) si klub publik apo privat.
5. Të paguaj shumën për regjistrimin e klubit, lartësinë e së cilës e cakton Bordi i FHK-së, me vendim të posaqëm.
6. Të regjistrojë në FHK jo më pakë se 15 lojtarë,
7. Të disponojë palestrën (fushën) e vet të hendbollit apo të ketë dokumentin me të cilin dëshmohet se e ka kontraktuar të njëjtën, sipas Propozicioneve të garave të FHK-së dhe rregullave të lojës.

Neni 3

Klubet që plotësojnë kushtet nga nenet 2 dhe 3 të kësaj Rregulloreje, do të bëhen anëtarë të FHK-së në ditën e regjistrimit të tyre sipas dispozitave gjegjëse fitojnë të drejtën të inkuadrohen në gara përkatëse që organizohen nga FHK-ja.

Lidhur me kërkesat e kompletuara për Regjistrimin e klubeve, në afat prej 8 ditësh nga data e dorëzimit të tyre, duhet të vendos Komisioni për Regjistrimin e lojtarëve dhe klubeve. Dhe pas regjistrimit FHK-ja është e obliguar që t'i lëshoj vendimin klubit në formë të shkruar (Formulari nr.2)

Neni 4

Klubi është i obliguar që çdo vit të ripërtirnjë licencimin - anëtarësimin, dhe atë para fillimit të edicionit të ri të garave.

Me rastin e ripërtirjes së licencës – anëtarësisë klubi është i obliguar që të përmbushë pagesën në shumë prej 10 € sipas vendimit të Bordit të FHK-së.

Zyra e FHK-së bënë vërtetimin e licencës – anëtarësisë konform nenit 2 dhe 8 të Rregullores mbi regjistrimin e klubeve, lojtarëve statusi dhe transferin e tyre.

Neni 5

Çdo regjistrim në Regjistrin e klubeve të Federatës së Hendbollit të Kosovës, duhet të ketë edhe vulën e FHK-së.

Neni 6

Anëtarësia në Federatë konsiderohet e pezulluar për të gjitha klubet të cilat nuk marrin pjesë në garat e organizuara për stinorin aktual, apo të cilat nuk kanë marrë pjesë në gara përgjatë tërë stinorit paraprak në rastet kur mbledhja e Kuvendit mbahet gjatë pauzës në mes stinorëve. Në rast të tillë, delegatët e klubeve në Kuvendin e Federatës mund të jenë pjesëmarrës në cilësinë e vëzhguesit dhe pa të drejtë vote. Anëtarësia konsideruar e ndërprerë për të gjitha klubet që nuk marrin pjesë në dy vite garuese.

Klubi pushon të jetë anëtarë i FHK-së, në bazë të vendimit të Kuvendit të Klubit, apo sipas dispozitave të akteve normative të FHK-së që e parashohin këtë:

- Largimin nga Federata,
- Shuarja e veprimtarisë dhe
- Ndalesës së punës dhe veprimtarisë

III.PARAQITJA DHE REGJISTRIMI I LOJTARËVE

Neni 7

Anëtarë të klubit janë:

- lojtarët/lojtaret,
- personat zyrtarë dhe
- të tjerë

Neni 8

Çdo klub është i obliguar që një herë në vjet, të ripërtërijë licencën – anëtarësinë për anëtarët e saj (Formulari nr. 3, 3.1 dhe 3.2).

Me rastin e pagesës së anëtarësisë, shuma e të cilës caktohet nga Bordi i FHK-së, vërtetimi i anëtarësisë dhe licencimi bëhet nga zyra e Federatës së Hendbollit të Kosovës.

Të gjithë anëtarët e FHK-së, gjyqtarët, trajnerët, dhe të tjerë obligues të regjistruar në FHK-ë janë të obliguar të posedojnë librezat e anëtarësisë dhe rregullisht të i përmbushin obligimet e anëtarësisë. Shuma e pagesës së anëtarësisë për një vit garues është:

1. Libreza për lojtarë/lojtare 1 €,
2. Licencimi për lojtarë/lojtare 3 €,
3. Libreza e trajnerit 1 €,
4. Antarësia e trajnerit 20 €,
5. Libreza e gjyqtarit, vëzhguesit dhe kontrolluesit 1 €,
6. Antarësia e gjyqtarit, vëzhguesit dhe kontrolluesit 20 €,
7. Për librezat e tjera 1 €
8. Për antarësit tjera 3 €,
9. Licencimi – anëtarësimi i klubit 10 €.

Neni 9

Çdo regjistrim dhe licencim i anëtarëve të Federatës së Hendbollit të Kosovës duhet të vërtetohet me vulën e FHK-së.

Neni 10

Lojtari i cili me dëshirën e vet e zgjedh klubin, regjistrimin për të mund ta bëjë prej moshës 10-vjeçare, nën kushte të parapara sipas kësaj rregulloreje, me ç' rast pranon obligimet, të drejtat dhe detyrat e parapara me akte normative të FHK-së.

Për lojtarin nën moshën 18 vjeç, bashkëngjitur dokumentacionit për regjistrim, duhet të jetë edhe pëlqimi i njërit prej prindërve apo kujdestarit (Plotësohet Formulari nr.5).

Neni 11

Regjistrimin e lojtarëve të klubeve të të gjitha ligave të Kosovës e bën Komisioni për regjistrim, i emëruar nga Bordi i FHK-së.

Neni 12

Asnjë lojtar nuk mund të regjistrohet për dy apo më shumë klube në të njëjtën kohë.

Anëtarësia e lojtarit për një klub dokumentohet në bazë të regjistrimit paraprak.

Lojtari i cili në afat kalimtar e nënshkruan fletëregjistrimin për dy apo më shumë klube, me dokumentacion komplet apo jo komplet, e humb të drejtën e kalimit nga klubi amë dhe do të mbetet anëtar i tij deri në afatin e ardhshëm kalimtar dhe për këtë sanksionohet në bazë të dispozitave të Rregullores disiplinore të FHK-së.

Neni 13

Përfashtim nga dispozitat e nenit paraprak mund të bëhet për:

Lojtarin e klubit anëtar të Superligës, i cili është më i ri se 21 vjeç dhe për lojtaren e Ligës së parë të femrave, e cila është më e re se 20 vjeçe, me pëlqim paraprak të klubeve dhe lojtarit apo lojtares që mund të regjistrohet edhe për një klub, por që bën gara në rang më të ulët.

Në këtë mënyrë mund të regjistrohet lojtari apo lojtarja për dy klube dhe ta fitojë të drejtën e pjesëmarrjes në gara gjatë një viti garues për dy klube, përveç në garat për kupë, për të cilat mund të paraqitet vetëm për një klub.

Në këtë mënyrë të regjistrimit të dyfishtë për një klub mund të regjistrohen më së shumti 2 lojtarë.

Afati i fundit për regjistrim të dyfishtë është përfundimi i javës së 5-të të Superligës në të dy konkurrencat.

Lojtari i regjistruar me regjistrim të dyfishtë për dy klube, mund të luaj në një xhiro dy klubet por jo në të njëjtën ditë.

Neni 14

Lojtarët të cilët e kanë fletë statusin e lojtarit të lirë (formulari nr. 5.2), mund të regjistrohen për klubin e ri edhe jashtë afatit kalimtar, deri në përfundimin e javës së 5-të të Superligës në të dy konkurrencat.

Lojtarët të cilët nuk kanë kontrata me klubet, dhe në afatin kalimtar nuk aplikojnë për kalim në ndonjërin klub apo status të lojtarit të lirë (formulari nr. 5.2), mund të regjistrohen edhe pas afatit kalimtar vetëm me fletëlëshimin e klubit në të cilin ka pasur paraqitje në ndeshjen e fundit kampionale, për këtë përveç formularit nr. 5.2 duhet bërë edhe pagesën në shumë prej 20 euro në xhirollogarinë rrjedhëse të FHK-së.

Neni 15

Për lojtarin i cili për herë të parë regjistrohet, klubi i cili dëshiron ta regjistrojë është i obliguar që Komisionit për regjistrim t'ia paraqesë këtë dokumentacion (formulari nr.5):

fletëkërkesën e lojtarit, së cilës duhet bashkëngjitur edhe kërkesën e klubit në formë të shkruar në dy kopje, deklaratën e lojtarit me shkrim në dy kopje se në dy vjetët e fundit garues nuk ka qenë i regjistruar për asnjë klub, certifikatën e lindjes, dy fotografi të madhësisë 3x4 cm, jo më të vjetra se gjashtë muaj, vërtetimin mbi pagesën e bërë prej 5 euro në xhirollogari gjegjëse të FHK-së, për lojtarë që kanë luajtur në botën e jashtme është e obligueshme internacional transfer certifikatë - pëlqimi i federatës ku ka luajtur më parë dhe vërtetimi mbi pagesën e bërë prej 30 euro në xhirollogarinë gjegjëse të FHK-së.

Neni 16

Për lojtarin që kalon prej klubit në klub, klubi i cili dëshiron ta bëjë regjistrimin, Komisionit për regjistrim duhet parashtruar këtë dokumentacion (Formularin nr 5.1):

- fletëkërkesën e lojtarit, së cilës duhet bashkëngjitur edhe kërkesën e klubit për regjistrim, të shtypura në dy kopje,
 - fletëpëlqimin prej klubit paraprak apo vendimin e organit gjegjëse të atij klubi se lojtari është i lirë për ta ndërruar klubin apo vendimin e organit të shkallës së dytë të FHK-së për shkëputjen e kontratës me kërkesë të lojtarit, të cilën klubi paraprak nuk ia ka dhënë në afatin e rregullt, librezën e anëtarësisë nga klubi paraprak, në të cilën duhet të jetë e evidencuar data dhe koha e çregjistrimit nga klubi paraprak me një fotografi të madhësisë 3x4 cm, jo më të vjetër së gjashtë muaj,
 - certifikatën e lindjes
- vërtetimin mbi pagesën e bërë prej 30 euro në xhirollogarinë e FHK-së.

Neni 17

Për lojtarët me regjistrim të dyfishtë të paraparë në nenin 13 të kësaj rregulloreje, klubi i cili dëshiron ta regjistrojë lojtarin në këtë mënyrë (klubi i dytë) duhet që Komisionit për regjistrim t'ia dorëzojë këtë dokumentacion (Formulari nr.9.1):

- fletëkërkesën e lojtarit, së cilës duhet bashkëngjitur edhe kërkesën e klubit për regjistrim, të shtypura në dy kopje,
- kontratën në mes të dy klubeve për të drejtën e regjistrimit të dyfishtë,
- certifikatën e lindjes
- një fotografi të madhësisë 3x4 cm, jo më të vjetër së gjashtë muaj, vërtetimin mbi pagesën e bërë prej 15 euro në xhirollogarinë të FHK-së për regjistrim të dyfishtë.

Neni 18

Për lojtarët kosovarë që kalojnë nga ndonjë klub i jashtëm në ndonjë klub të Kosovës, Komisionit për regjistrim duhet parashtruar këtë dokumentacion (Formulari nr.10):

- fletëkërkesën e lojtarit me kërkesë të klubit për regjistrim në formë të shkruar në dy kopje,
- pëlqimin e federatës gjegjëse që i takon klubit nga i cili vjen lojtari,
- fletëçregjistrimin nga klubi paraprak me dëshmi se nuk ka kurrfarë obligimi ndaj tij,
- dy fotografi të madhësisë 3x4 cm, që nuk është më e vjetër se gjashtë muaj,
- vërtetimin mbi pagesën e bërë prej 30 euro në xhirollogarinë gjegjëse të FHK-së për regjistrim,
- certifikatën e lindjes
- vërtetimin mbi pagesën e bërë prej 100 euro në xhirollogarinë të FHK-së për lojtarë që vijnë nga klubi i ndonjë federate të jashtme në klub kosovar.

Neni 19

Komisioni për regjistrimin e lojtarëve është i obliguar që ta shqyrtojë dokumentacionin e kompletuar më së largu në afat prej 8 ditësh nga dita e pranimit, përkatësisht nga dita e kalimit të afatit kalimtar.

Klubi, përkatësisht lojtari që nuk e parashtrojnë dokumentacionin e kompletuar duhet të udhëzohet që në afat prej 5 ditësh ta kompletojë atë, në të kundërtën kërkesa do të refuzohet.

Neni 20

Komisioni për regjistrim është i obliguar që pas shqyrtimit të kërkesave për regjistrim, me shkrim ta njoftojë administratën e FHK-së në mënyrë që ajo ta bëjë regjistrimin e lojtarëve, si dhe atyre t'ua lëshojë librezat garuese, duke i evidencuar në librin e evidencës.

Neni 21

Formën dhe përmbajtjen e librezës garuese e përcakton me akt të posaçëm Bordi i FHK-së.

Neni 22

Në qoftë se librezat garuese humbet apo bëhet e pavlefshme, klubi i drejtohet administratës së FHK-së për ta lëshuar duplikatin e saj.

IV. KALIMI I LOJTARËVE - NDËRRIMI I ANËTARËSISË

A. AFATI KALIMTAR

Neni 23

Llojtari prej klubit në klub mund të kalojë vetëm në afatin kalimtar.

Llojtari pa kontratë apo lojtari me status të lojtarit të lirë prej klubit në klub mund të kalojë edhe jashtë afatit kalimtar deri në përfundimin e javës së 5-të Superligës në të dy konkurrencat të edicionit garues.

Neni 24

Dallojmë afatin e rregullt kalimtar dhe mini afatin kalimtar.

Neni 25

Afati i rregullt kalimtar është në mes të dy vjetëve garues dhe zgjat 15 ditë.

Fillimi dhe përfundimi i afatit kalimtar caktohet me vendim të posaçëm të Bordit të FHK-së.

Neni 26

Afati plotësues kalimtar (mini afati) është në mes të sezonit vjeshtor dhe pranveror të vitit garues dhe zgjat shtatë ditë. Fillimin dhe përfundimin e afatit plotësues kalimtar e cakton me vendim të posaçëm Bordi i FHK-së (nuk mund të jetë pas 15 shkurtit).

Pas përfundimit të afatit plotësues kalimtar, FHK-ja është e obliguar që deri më 28 shkurt të dergojë listat përfundimtare zyrës së EHF-it.

B. PROCEDURA E PARAPARË PËR KALIMIN E LOJTARIT PREJ KLUBIT NË KLUB

Neni 27

Procedura për kalimin e lojtarit prej klubit në klub është:

lojtari paraqet kërkesë me shkrim për lëshimin e fletëçregjistrimit në afatin kalimtar drejtuar klubit anëtar i të cilit është në formë të shkruar me dëshmi për pranimin e saj. Klubi të cilit i është drejtuar lojtari është i obliguar që në kërkesën e shkruar në afat prej 8 ditësh të përgjigjet me sa vijon:

- ta lëshojë fletëçregjistrimin
- të mos e lëshojë fletëçregjistrimin, duke e arsyetuar vendimin e vet me shkrim.

Neni 28

Në qoftë se klubi tetë ditë nga dita e marrjes së kërkesës nga ana e lojtarit nuk përgjigjet në kërkesë të tij, konsiderohet se lojtari nuk ka pengesë për t'u regjistruar në klub të ri.

Në qoftë se klubi përgjigjet me shkrim, duke e refuzuar lojtarin, është i obliguar që ta arsyetojë këtë refuzim, duke e udhëzuar lojtarin që për këtë t'i bëjë ankesë organit kompetent të FHK-së.

Neni 29

Në kërkesë të drejtuar me shkrim nga ana e lojtarit për dhënien e fletëçregjistrimit klubi është i obliguar që ta pranojë atë në këto raste:

- në qoftë se lojtari e ka paraqitur kërkesën në afat kalimtar,
- në qoftë se klubi në të cilin lojtari dëshiron të kalojë e ka paguar kompensimin e paraparë në kontratë në mes të lojtarit dhe klubit nga i cili dëshiron të shkojë,
- në qoftë se e ka paguar kompensimin e paraparë me dispozitat gjegjëse për statusin e sportistëve në Kosovë,
- në qoftë se lojtari nuk ka kurrfarë obligimesh të tjera ndaj klubit.

Formën dhe përmbajtjen e fletëçregjistrimit e përcakton bordi i FHK-së.

Pas lëshimit të fletëçregjistrimit të vlefshëm klubi në të më nuk mund të bëjë vërejtje.

Neni 30

Lojtarët dhe klubet mund të nënshkruajnë kontrata mes veti të cilat nuk mund të jenë më afat me të shkurtër se 6 (gjashtë) muaj dhe më shumë se 4 (katër) vjet.

Çdo lojtarë, i cili nuk posedon kontratë të vlefshme llogaritet si lojtarë i lirë dhe mund të ndërrojë klubin në afatin e rregullt kalimtar, apo në minifatit plotësues dimëror.

Kontrata e nënshkruar për gjashtë muaj vlen deri në mbarimin e stinorit, do të thotë deri në afatin e rregullt apo plotësues, pa marr parasysh se a kanë kaluar 6-të muaj.

Kontrata e nënshkruar për 1,2,3 apo 4-vite po ashtu vlen deri në mbarimin e kampionatit, dhe lojtari-ja është e lirë në afatin kalimtar (të rregullt apo plotësues).

Neni 31

Nëse vjen deri të fuzionimi(bashkimi) i dy klubeve, para përfundimit të afateve kalimtare të përcaktuara me Rregulloren e FHK-së mbi regjistrimin e klubeve dhe lojtarëve, klubi i ri e merrë(zënë) vendin në shkallën(rangun) më të lartë garave, në të cilin ka marrë pjesë njeri prej klubeve të fuzionuara(bashkuara), ndërsa lojtarët e të dy klubeve kanë të drejt të lojës për klubin e ri.

Nëse ky fuzionim është bërë pas afatit kalimtar sipas Rregullores së FHK-së mbi regjistrimin e lojtarëve, klubi ri e merrë(zë) vendin në rangun më të lartë të garave, në të cilin ka marrë pjesë njëri prej klubeve të fuzionuara, ndërsa në lojëra për klubin e ri kanë të drejt të paraqiten vetëm lojtarët klubit e rangut më të lartë të garave, ndërsa lojtarët e klubit tjetër këtë të drejt e fitojnë vetëm në afatin tjetër kalimtar.

Neni 32

Nëse vjen deri te shuarja e ndonjë klubi gjatë garave, ai klub fshihet nga regjistri i FHK-së, kurse lojtarët kanë të drejt të regjistrohen vetëm në afatin kalimtar.

Nëse klubi shuhet para fillimit të garave për sezonin e rinjë, lojtarët kanë të drejt të regjistrohen për klubin e ri edhe jashta afatit kalimtar, sepse nuk janë fajtor për rrethanat e reja të krijuara në gara, dhe fitojnë të drejtën e lojës 8 ditë pas fletëparaqitjes për regjistrim.

Neni 33

Klubi nga i cili kërkohet fletëçregjistrimi ka të drejtë për kompensim nga klubi në të cilin dëshiron të kalojë lojtari, nëse më parë me atë lojtar ka pasur kontratë të vlefshme, ku është cekur edhe kompensimi për të në rastet e kalimit të lojtarit në ndonjë klub tjetër. Kompensimi mund të rregullohet me marrëveshje dhe nëse klubi dhe lojtari kanë pasur kontratë të vlefshme.

C. KUNDËRSHTIM PËR MOSLËSHIMIN E FLETËÇREGJISTRIMIT

Neni 34

Në qoftë se klubi të cilit i është drejtuar lojtari për fletëçregjistrim përgjigjet negativisht apo në qoftë se klubet nuk mund të merren vesh për kushtet e kalimit të lojtarit, mund t'i paraqitet kundërshtim Komisionit për regjistrim.

Bashkëngjitur kundërshtimit paraqitet edhe:

- kopja e kërkesës së lojtarit për lëshimin e fletëçregjistrimit, duke e dokumentuar atë me kohë dhe datën kur është bërë kjo kërkesë,
- kopja e përgjigjes negative nga klubi,
- vërtetimi mbi pagesën e bërë prej 20 euro në xhirollogarinë gjegjëse të FHK-së në emër të kundërshtimit të bërë.

Neni 35

Komisioni për regjistrim duhet të vendosë në afat prej 15 ditësh nga dita e marrjes së kundërshtimit, duke e njoftuar palën me shkrim me vendimin e këtij organi të bazuar në akte normative të FHK-së.

D. ANKESA NË VENDIMIN E KOMISIONIT PËR REGJISTRIM

Neni 36

Në vendimin e Komisionit për regjistrim, si organ të shkallës së parë pala e pakënaqur ka të drejtë ankese në afat prej 8 ditësh nga dita e marrjes së vendimit.

Ankesa parashtrohet në administratën e FHK-së për komisionin e shkallës së dytë - Komisioni arbitrar (ky komision i ka tre anëtarë, të cilët i zgjedh bordi i FHK-së).

Ankesës i bashkëngjitet edhe vërtetimi mbi pagesën e bërë prej 50 euro në xhirollogarinë gjegjëse të FHK-së.

Komisioni arbitrar është i obliguar që të vendosë lidhur me këtë ankesë në afat prej 15 ditësh. Vendimi i komisionit arbitrar është i prerë.

V. E DREJTA NË PARAQITJE – LOJË

Neni 37

Lojtari ka të drejtë paraqitjeje – loje menjëherë pas regjistrimit:

- në qoftë se është i regjistruar për herë të parë,
- në qoftë se është i regjistruar në afatin kalimtar.

Lojtari ka të drejtë paraqitjeje – loje (8) tetë ditë pas regjistrimit në rastet si vijojnë:

- në qoftë se është i regjistruar me vendim të organit kompetent të FHK-së,
- në qoftë se deri në ditën e regjistrimit nuk ka luajtur më shumë se një vit dhe nuk ka qenë i lidhur me kontratë me ish-klubin e tij.
- në qoftë se është regjistruar edhe jashta afatit kalimtar deri më 15 Tetor, por me pëlqimin e klubit amë.

Neni 38

Lojtari nuk ka drejtë loje gjatë mbajtjes se dënimit nga organi kompetent i FHK-së.

Neni 39

Për klubet e ligave të Kosovës kanë të drejtë të regjistrohen numër i pakufizuar i lojtarëve nënshjetas të huaj të regjistruar në bazë të kësaj rregulloreje, mirëpo të drejtë paraqitje në një ndeshje kanë më së shumti 6 lojtarë (në procesverbal të një ndeshjeje).

Neni 40

Në ndeshje miqësore lojtari mund të paraqitet për ekipin për të cilin nuk është i regjistruar me leje të klubit amë.

VI. KONTRATAT NË MES TË KLUBEVE DHE LOJTARËVE

Neni 41

Të drejtat dhe obligimet si dhe marrëdhëniet e tjera reciproke në mes të klubeve dhe lojtarëve rregullohen me kontratë, e cila duhet të lidhet më së paku me kohëzgjatje prej 6 (gjashtë) muaj e deri më së shumti 4 (katër) vjet.

LOJTARË - E PA KONTRATË

Neni 42

Lojtarët të cilët nuk kanë kontratë me shkrim me ekipet – klubet e tyre dhe të cilëve nuk iu është paguar kompenzimi mbi dhe më tepër e shpenzimeve të nevojshme dhe të domosdoshme për paraqitje në lojë, konsiderohen – trajtohen si lojtarë pa kontratë.

Shpenzimet e nevojshme dhe të domosdoshme të cilat lojtari mund ti merr duke mos rrezikuar statusin e vet si lojtarë pa kontratë janë:

- shpenzimet e udhëtimit
- shpenzimet e vendosjes
- paisjet sportive
- participimi për ushtrime

Lojtari – ja pa kontratë është i lire dhe në qdo kohë mund të kalon në ndonji ekip klub tjetër pa ndonjë kusht të veçantë.

LOJTARI ME KONTRATË

Neni 43

Lojtarët të cilët janë paguar më shumë se kompenzimet e parapara me nenin 42 të kësaj Rregulloreje duhet të kenë kontratë me ekipin – klubin e tyre. Këta lojtarë konsiderohen – trajtohen si lojtarë me kontratë.

Ekipet – klubet janë të obliguara të dorëzojnë në Federatë formularin nr. 4 (statusin e lojtarëve). FHK-ja duhet të përpilojë regjistrinë qëndror të lojtarëve nën kontratë dhe qdo vit deri më 28 shkurt të njëjtin titull përcjellë EHF-it në fotokopje – regjistrim komplet.

KONTRATAT

Neni 44

Lojtari dhe ekipi-klubi mund të lidhin një nga këto dy llojet e kontratave:

1. Kontratë mbi perfeksionimin sportiv dhe stipendim
2. Kontratë mbi luarje si veprimtari shtesë (kontratë amatore)
3. Kontratë për paraqitje – luajtje si profesionist

Neni 45

Kontrata duhet të përmbajë të drejtat dhe obligimet e të dy palëve, dhe të njëjtës duhet ti përcaktohet afati i zgjatjes, i cili nuk mund të jetë më i shkurtër se 6-të muaj, dhe as më i gjatë se 4-të vjet.

Kontratat e cila nënshkruhet për 6-të muaj. Vlen deri në afatin kalimtar (të rregullt apo plotësues) pa marrë parasysh datën e nënshkrimit, sepse ajo vlen prej një afati kalimtar deri në afatin tjetër kalimtar. Kontratat e nënshkruara me afate 1 vjeçare, dy vjeçare, tre vjeçare apo 4 vjeçare me mbarimin e sezonit për sa vite ka nënshkruar lojtari, ai është i lire me fillimin e afatit kalimtar (të rregullt apo plotësues)

a). KONTRATA MBI PREFIKSIONIMIN SPORTIV DHE STIPENDIM

Kontrata për lojtarë mbi perfeksionimin sportiv dhe stipendim përmban:

- dispozitat mbi obligimet e ekipit-klubit lidhur me banimin, ushqimin, transportin lokal, sigurimin shpërblimet dhe kompensimet
- dispozitat lidhur me obligimet e lojtarit lidhur me ushtrimet dhe ndeshjet
- dispozitat lidhur me kohëzgjatjen e kontratës
- dispozitat mbi obligimin e lojtarit, lidhur me nënshkrimin e kontratës profesionale apo kontratës mbi lujtje si veprimtari shtesë
- dispozitat mbi kompensimin për kalim në ekip-klub tjetër vendor apo të jashtëm para kalimit të kontratës

b). KONTRATA PËR AMATORE

Neni 46

Ekipet –klubet dhe lojtarët-et e regjistruar për ta të cilët përveç hendbollit ushtrojnë edhe ndonjë veprimtari tjetër plotësuese, mund të lidhin kontratë në mes tyre për luajtje të hendbollit si amatorë.

Neni 47

Kontrata për Ekipet –klubet dhe lojtarët-et e regjistruar të cilët përveç hendbollit ushtrojnë edhe ndonjë veprimtari tjetër plotësuese, mund të lidhin kontratë në mes tyre për luajtje si lojtarë amatorë përmban:

- dispozitat mbi obligimet e ekipit-klubit lidhur me banimin, ushqimin, transportin lokal, sigurimin shpërblimet dhe kompensimet
- dispozitat lidhur me obligimet e lojtarit lidhur me ushtrimet dhe ndeshjet
- dispozitat lidhur me kohëzgjatjen e kontratës
- dispozitat mbi obligimin e lojtarit, lidhur me nënshkrimin e kontratës profesionale
- dispozitat mbi kompensimin për kalim në ekip-klub tjetër vendor apo të jashtëm para kalimit të kontratës.

Neni 48

Kontrata si lojtarë amatorë nuk mund të lidhin lojtarët më të rinjë se 18-të vjet.

Kjo kontratë mund të lidhet të nënshkruhet në kohëzgjatje prej 6-të muaj deri në 2 apo 4 vjet.

E njëjta mund të shkëputet me marrëveshje para kalimit të afatit në dobi të nënshkrimit të kontratës profesionale.

c). KONTRATA PROFESIONALE

Neni 49

Lojtarë profesional trajtohen ata lojtarë, të cilët ekzistencën e vet e sigurojnë duke luajtur hendboll.

Neni 50

Ekipi dhe lojtari janë të lirë me rastin e nënshkrimit të kontratës profesionale, me të cilën rregullohen dhe obligimet ndërmjet tyre.

Neni 51

Kontrata profesionale e nënshkruar në mes ekipit dhe lojtarit përmban posaçërisht:

- të drejtat dhe obligimet e ekipit
- të drejtat dhe obligimet e lojtarit
- dispozitat lidhur me sigurimin shëndetësor, pensional dhe invalidor
- dispozitat lidhur me kohëzgjatjen e marrëdhënieve kontraktuese
- dispozitat lidhur me kushtet e shkëputjes së kontratës
- dispozitat lidhur me kompensimin –dëmshpërblimin për kalim në ekip tjetër vendas apo të jashtëm pas kalimit të kontratës
- dispozitat me të cilat parashihet shkëputja e kontratës në rastet e mos përmbushjes së kushteve të saj
- dispozitet rrethë kushteve financiare

Neni 52

Kontratë profesionale nuk mund të nënshkruajnë lojtarët më të rinj se 18-të vjet

Neni 53

Kontratat mund të nënshkruhen në afat prej 6 muaj deri në 2 – 4 vjet (apo solucion më i përshtatshëm në mes ekipit dhe lojtarit)

Neni 54

Pas kalimit të kontratës profesionale, lojtari është i lirë në zgjedhjen e ekipit.

Për lojtarin të cilit i ka kaluar-skaduar kontrata, ekipi ka të drejtë në kompensim-dëmshpërblim nga ekipi i ri deri në lartësinë e shumës së përcaktuar në kontratë, apo sipas kriteriumeve për dëmshpërblim të parapara në këtë Rregullore.

Neni 55

Pas kalimit të kontratës, lojtari me kontratë e fiton statutin e lojtarit pa kontratë – lojtarit të lirë. Në rast të kalimit të lojtarit (tani lojtar pa kontratë) në ekip tjetër, ekipi prej të cilit shkon nuk ka të drejt në kompensim, përveç në rastet kur kemi të bëjmë me precizimin e marrëdhënieve në kontratë apo tek lojtarët nën moshën 23 vjeçare.

Neni 56

Përjashtimet nga neni paraprak janë të mundëshme:

Nëse ish lojtari nën kontratë, nënshkruan kontratë të re në afat prej (12) dymbëdhjetë muajëve nga skadimi – kalimi i kontratës së vjetër, dhe regjistrohet si lojtar nën kontratë konformë me dispozitat e Rregullores mbi statusin e lojtarit, ekipi i cili i fundit e ka pasur atë lojtar nën kontratë ka të drejt në kompenzim-dëmshpërblim. Shuma e kompenzimit (dëmshpërblimit) është përcaktuar me kontratën e fundit ose sipas kriterëve për dëmshpërblim konformë me dispozitat e Rregullores mbi statusin e lojtarëve.

Neni 57

Nëse ekipi i cili i fundit e ka pasur lojtarin nën kontratë dyshon në statutin e atij lojtari në ekipin e ri mund të kërkojë nga Federata e Hendbollit e Kosovës – organeve përkatëse, sqarime konkrete dhe ndërmarrjen e masave të duhura.

c) UDHËHEQJA, EVIDENCA E KONTRATAVE DHE KONTESTET

Neni 58

Statusin e lojtarit e udhëheq, evidenton dhe vërteton Komisioni për regjistrim pranë FHK-së, në formularin nr. 4 në afat prej 8 ditëve nga dita e nënshkrimit.

Formulari nr.4 plotësohet në 3 ekzemplar – kopje të cilët i përcillen Komisionit për regjistrim në vërtetim, pastaj nga një ekzemplar (kopje) mbetet në dokumentacionin e FHK-së.

Kontratat të cilat nuk janë të regjistruara dhe evidentuara në regjistrin e Federatës së Hendbollit të Kosovës, nuk prodhojnë efekte të cilat Komisari i garave – Komisioni i garave do të merrte parasysh.

Neni 59

Në çoftëse njëra nga palët kontraktuese mendon se pala tjetër nuk iu ka përmbajtur klauzulave qenësore të kontratës, mund të kërkojë shkëputjen e kontratës nga Komisioni për regjistrim i FHK-së.

Lojtari apo ekipi i cili kërkon shkëputjen e kontratës duhet të paraqet:

- Kërkesën për shkëputjen e kontratës të argumentuar me prova bindëse
- Kopjen e kontratës
- Vërtetimin mbi pagesën e shumës prej 50 në llogari rrjedhëse të FHK-së.

Neni 60

Mbi kërkesën për shkëputjen e kontratës Komisioni për regjistrim i FHK-së, duhet të vendos në afat prej 15 ditëve nga dita e pranimit të kërkesës.

Në vendimin e Komisionit për regjistrim, pala e pakënaqur ka të drejt ankese. Ankesa i paraqitet Komisionit arbitrar të FHK-së, në afat prej 8 ditëve nga marrja e vendimit, me pagesë të shumës prej 50 €.

Vendimi i Komisionit arbitrar është përfundimtar dhe ndaj tij nuk lejohet ankesa.

VII. KATEGORIZIMI I LOJTARËVE

Neni 61

Lojtarët janë të kategorizuar si vijon:

1. Lojtarë i kategorisë botërore (zgjat 4 vjet nga dita e fitimit të këtij rangu)
 - fitimi i vendit të I – III – të në Lojërat Olimpike , Kampionatet botërore, apo kampionatet evropiane
2. Lojtarë i kategorisë ndërkombëtare (zgjat dy vjet nga dita e fitimit të këtij rangi)
 - për paraqitje në reprezentacionin kombëtar, në lojërat olimpike, kampionatet botërore apo kampionatet evropiane
 - për fitimin e vendit të I – III –të në lojërat mediterane (mesdheut), kampionatet ballkanike apo në univertzijada
 - për fitimin e vendit të I – III – të në kupat e EHF-it (kampionëve, fituesit të kupave ,dhe kupën e EHF-it)
3. Lojtarë i kategorisë kombëtare (zgjat një vjet nga dita e fitimit të statutit)
 - lojtar të kësaj kategorie janë të gjithë ata lojtar, të cilët luajnë për kombëtare ndeshje në lojërat olimpike, kampionate botërore dhe evropiane, pastaj mediterane, ballkanike, dhe univertzijada si dhe miqësore, me kusht që të jenë në listen e përzgjedhësit për tërë atë vit garues.
4. Lojtarë i kategorisë së juniorëve (zgjat një vjet nga dita e fitimit të statusit)
 - lojtar të kësaj kategorie janë të gjithë ata lojtar që luajnë për kombëtare në gara zyrtare të kombëtares sonë, apo edhe lojëra miqësore ndërkombëtare gjate një viti, dhe gjenden në listën e përzgjedhësit të kombëtares.
5. Lojtarë i kategorisë së kadetëve (zgjat një vjet nga dita e fitimit të statusit)
 - lojtar të kësaj kategorie janë të gjithë ata lojtar që luajnë për kombëtare në gara zyrtare të kombëtares sonë, apo edhe lojëra miqësore ndërkombëtare gjat një viti, dhe gjenden në listën e përzgjedhësit të kombëtares.
6. Lojtarë të regjistruar konform dispozitave të kësaj Rregulloreje

VIII. E DREJTA E KALIMIT TË LOJTARIT NGA EKIPI NË EKIP TË CILAT GAROJNË NË KUADËR TË FHK-së

Neni 62

Kalimi i lojtarit në ekip tjetër bëhet gjatë afatit kalimtar në çiftëse:

- lojtari e ka fletë ç 'regjistrimin e ekipit anëtar i së cilës ka qenë deri tani,
- lojtari e ka vendimin e plotfuqishëm të Bordit të FHK-së mbi të drejtën e regjistrimit për ekip tjetër
- nëse është lojtar pa kontratë

IX. DËMËSHPËRBLIMI – KOMPENZIMI

DËMËSHPËRBLIMI – KOMPENZIMI PËR KALIMIN E LOJTARIT NGA EKIPI NË EKIP TË CILAT GAROJNË NË KUADËR TË FHK-së

Neni 63

Për kalimin e lojtarit nga ekipi në ekip, të cilat garojnë në kuadër të FHK-së, ekipi anëtar i të cilit ka qenë lojtari nën kontratë ka të drejtë në dëmshpërblim – kompensim.

Dëmshpërblimi – kompensimi në bazë të kontratës ekipi – lojtari.

Neni 64

Për lojtarët më të ri se mosha 23-vjeqare, të cilët kanë kontratë valide apo janë lojtarë të lirë, duhet të paguhet dëmshpërblimi – kompensimi sipas nenit 65 të kësaj Rregulloreje.

Neni 65

Shuma më e vogël e dëmshpërblimit – kompensimit, për kalimin e lojtarit nga ekipi në ekip të cilat garojnë në kuadër të FHK-së, përcaktohet në bazë të kategorizimit të lojtarëve, totali i poenëve – pikëve i shumëzuar me vlerën e poenit – pikës të cilën e përcakton Bordi i FHK-së para afatit kalimtar duke patur parasysh këto kritere:

1. Vitet e kaluar në ekip deri në moshën 16-të vjeçare

			Femrat
	1 poen – pike	për sezon garues	
Meshkujt	1 poen – pike	për sezon garues	

2. Vitet e kaluara në ekip deri në moshën 18-të vjeçare

Femra	1,5 poen – pikë	për sezon garues
Meshkujt	2 poen - pikë	për sezon garues

3. Vitet e kaluara në ekip mbi moshën 18 vjeçare

Femrat	2 poen – pikë	për sezon garues
Meshkujt	4 poen – pikë	për sezon garues

4. Sipas kategorizimit të lojtarëve në kuadër të FHK-së

Femrat	4 poen – pikë	sportist i kategorisë botërore
Meshkujt	5 poen – pikë	sportist i kategorisë botërore
Femrat	3 poen – pikë	sportist i kategorisë ndërkombëtare
Meshkujt	4 poen - pikë	sportist i kategorisë ndërkombëtare
Femrat	2 poen – pikë	sportist i kategorisë kombëtare
Meshkujt	3 poen – pikë	sportist i kategorisë kombëtare
Femrat	1 poen – pikë	sportist i kategorisë junior
Meshkujt	2 poen – pikë	sportist i kategorisë junior
Femrat	1 poen – pikë	sportist i kategorisë kadet
Meshkujt	2 poen – pikë	sportist i kategorisë kadet
Femrat	0,5 poen – pikë	sportist lojtarë
Meshkujt	1 poen – pikë	sportist lojtarë

5. Sipas numrit të titujëve të fituar

Femrat	4 poen – pikë	Kampion i Kosovës në Superligë
Meshkujt	5 poen - pikë	Kampion i Kosovës në Superligë
Femrat	3 poen – pikë	Fitues i Kupës së Kosovës
Meshkujt	4 poen – pikë	Fitues i Kupës së Kosovës
Femrat	2 poen – pikë	Kampion i Ligës së - I -
Meshkujt	3 poen – pikë	Kampion i Ligës së - I -
Femrat	1 poen – pikë	Kampion i Ligës së junioreve të Kosovës
Meshkujt	2 poen – pikë	Kampion i Ligës së junioreve të Kosovës
Femrat	0,5 poen – pikë	Kampion i Ligës së kadeteve të Kosovës
Meshkujt	1 poen – pikë	Kampion i Ligës së kadeteve të Kosovës

6. Sipas numrit të paraqitjes në përfaqësuesen e Kosovës (vetëm lojërat zyrtare, kampionatet botërore, evropiane, lojërat olimpike, dhe garat tjera të organizuara nga EHF – i dhe IHF-i)

Femrat	0,20 poen – pikë	për lojë në përfaqësuesen e senioreve
Meshkujt	0.25 poen – pikë	për lojë në përfaqësuesen e seniorëve
Femrat	0,15 poen – pikë	për lojë në përfaqësuesen e junioreve
Meshkujt	0,20 poen – pikë	për lojë në përfaqësuesen e juniorëve
Femrat	0,10 poen – pikë	për lojë në përfaqësuesen e kadeteve
Meshkujt	0,15 poen – pikë	për lojë në përfaqësuesen e kadetëve

Vlera e poenit është 50 euro sipas Vendimit të Bordit nga mbledhja e mbajtur më 26.06.2013.

Neni 66

Nga shuma e arkëtuar e dëmshpërblimit – kompensimit, për kalimin e lojtarit , ekipi është i obliguar që 20 për qind të kësaj shume të paguaj në konton e FHK-së.

Neni 67

Interpretimin e këtyre kritereve e bënë Bordi i FHK-së në bashkëpunim me Komisionin arbitrar të FHK-së.

D). DËMSHPËRBLIMI – KOMPENZIMI PËR KALIMIN E LOJTARIT NGA EKIPI ANËTAR I FHK-së NË EKIPIN E FEDERATËS TJETËR TË PRANUAR NGA EHF-i DHE IHF-i

Neni 68

Dëmshpërblimi – kompensimi për kalimin e lojtarit në klub të Federatës tjetër të hendbollit të pranuar nga EHF-i dhe IHF-i, përcaktohet në bazë të kontratës lojtar – ekip.

Nëse nuk ekziston kontrata në mes lojtarit dhe ekipit, ekipi nuk ka të drejt në dëmshpërblim - kompensim.

Përrjashtim bënë rasti kur kemi të bëjmë lojtarët nën moshën 23 vjeçare të cilët duhet të paguajnë dëmshpërblimin – kompensimin komfor nenit 70 të kësaj rregulloreje.

C). LEJA PËR REGJISTRIM DHE PARAQITJA NË EKIPIN E FEDERATËS TJETËR NACIONALE

Neni 69

Lojtari me kontratë mund të fiton lejen për lojë në ekipin e Federatës tjetër nacionale:

- nëse e ka fletë ç 'regjistrimin e ekipit anëtarë i të cilit ka qenë deri atëherë
- nëse e ka paguar Certifikatën ndërkombëtar të transferit
- nëse e ka fletë ç 'regjistrimin e Federatës anëtar i të cilës ka qenë apo është ekipi
- nëse e ka lejen e Bordit të FHK-së (për ata lojtarë të cilët janë kandidat për ndonjë seleksion të përfaqësueses së Kosovës, regjistrin të cilin në çdo vit kalendarik e dorëzon përzgjedhësi i kombëtares)
- nëse ekipi i huaj ka nënshkruar marrëveshje me FHK-në, me të cilën obligohet që lojtari gjegjë do të jetë në dispozicion të përfaqësueses sonë kombëtare në të gjitha lojërat zyrtare (si dhe përgatitjet rreth këtyre lojërave)
- nëse e ka paguar kompensimin – dëmshpërblimin ndaj klubit sipas marrëveshjes në kontratë
- nëse e ka fletë ç 'regjistrimin e Federatës anëtar i të cilës ka qenë apo është ekipi

Neni 70

Lojtari me kontratë i cili është më i ri se moshë 23 vjet mund të regjistrohet për ekipin e Federatës tjetër nacionale në çoftëse paraprakisht i plotëson të gjitha obligimet ndaj klubit me të cilin ka pasur kontratë me këto kushte:

- nëse e ka paguar kompensimin ndaj klubit në shumë prej 2500 € për edicion të garave, në bazë të paraqitjeve në atë klub dhe i llogariten vitet e kaluara
- nëse ka paguar kompensimin ndaj FHK-së në shumë prej 500 € për një vit si lojtarë i përfaqësueses së Kosovës, dhe i llogariten të gjitha vitet sa ka qenë anëtarë i përfaqësueses së Kosovës
- nëse e ka paguar Certifikatën ndërkombëtar të transferit

D). TAKSA PËR SHKETAS TË HUAJ TË CILËT DËSHIROJNË TA FITOJNË TË DREJTËN E KALIMIT NGA EKIPET ANËTARE TË FHK-së, NË EKIPET E FEDERATAVE TË JASHTME

Neni 71

Lojtari shtetas i huaj për fitimin e të drejtës së kalimit prej ekipit anëtarë i FHK-së në ekipin e Federatës së jashtme duhet të paguaj në konton e FHK-së, shumën prej 100 € sipas rregullave ndërkombëtare të IHF-së.

Neni 72

Rreth kundërshtimeve dhe kontesteve të palëve , në shkallë të parë vendos Komisioni për regjistrim, ndërsa në shkallë të dytë Komisioni arbitrar i FHK-së, vendimi i të cilit është definitiv.

Neni 73

Të gjitha klubet në të gjitha kategoritë dhe konkurrencat mund të lidhin njërën prej formave të kontratave të cekura nën paragraf, të cilat duhet të vërtetohen dhe të evidencohen në organin e FHK-së.

Neni 74

Në qoftë se njëra prej palëve kontraktuese nuk i plotëson kushtet e kontratës, pala e dëmtuar ka të drejtë të kërkojë shkëputjen e kontratës para afatit.

Kërkesa për shkëputjen e kontratës i paraqitet Komisionit për regjistrim, i cili për këtë duhet të vendosë në afat prej 15 ditësh nga dita e marrjes së kërkesës.

Kërkesës për shkëputjen e kontratës duhet bashkëngjitur edhe vërtetimin mbi pagesën e ____ eurove në xhirollogarinë gjegjëse të FHK-së.

Neni 75

Në vendimin e Komisionit për regjistrim pala e pakënaqur ka të drejtë ankese në afat prej 8 ditësh nga dita e pranimit Komisionit arbitrar.

Ankesës duhet bashkëngjitur vërtetimin mbi pagesën e bërë prej ____ euro në xhirollogarinë gjegjëse të FHK-së.

Vendimi i Komisionit arbitrar është i prerë.

Neni 76

Kontrata që është në kundërshtim me dispozitat e ligjit për sport në Kosovë, si dhe akteve të tjera të FHK-së është e pavlefshme.

X. HUAZIMI I LOJTARËVE

Neni 77

Klubi ka të drejtë t'ia huazojë lojtarët e vet klubit tjetër.

Huazimi i lojtarit bëhet me pëlqimin e tij, në mes të dy klubeve të interesuara për një kohë të caktuar e më së paku (6) muaj dhe kjo rregullohet me kontratë të posaçme në mes të klubeve dhe lojtarit.

Lojtari i cili huazohet në klubin tjetër nuk mund të ketë kontratë me klubin e rinjë, por i vazhdon kontratën me klubin amë, dhe koha e kaluar në klubin e ri i llogaritet si anëtar i klubit amë.

Neni 78

Lojtari mund të huazohet në afatin e rregullt kalimtar, apo deri në përfundimin e mini afatit kalimtar.

Pas përfundimit të mini afatit kalimtar nuk lejohet huazimi.

Për lojtarin e huazuar klubi i interesuar duhet të paraqesë këtë dokumentacion (Formulari nr.9):

- kontratën mbi huazimin e lojtarit, të nënshkruar dhe vërtetuar nga dy klubet si dhe pëlqimin me shkrim të lojtarit për huazim,
- dy fotografi të madhësisë 3x4 cm, jo më të vjetra se gjashtë muaj, vërtetimin mbi pagesën e bërë prej 100 euro në xhirollogarinë gjegjëse të FHK-së.

XI. KALIMI I LOJTARËVE NË KLUBE TË BOTËS SË JASHTME

Neni 79

Lojtarët kosovarë kanë të drejtë kalimi në klube të botës së jashtme në bazë të dispozitave pozitive ekzistuese të FHK-së, si dhe akteve ndërkombëtare të hendbollit (IHF-it).

Neni 80

Për kalimin dhe fitimin e së drejtës në lojë - paraqitje për ekipe të klubeve të botës së jashtme çdo lojtar kosovar është i obliguar ta kërkojë International Transfer Certificate nga FHK-ja duke paguar shumën prej 100 € euro në xhirollogarinë gjegjëse të FHK-së.

XII. KALIMI DHE REGJISTRIMI I LOJTARËVE NGA KLUBET E BOTËS SË JASHTME NË KLUBET KOSOVARE

Neni 81

Lojtari me nënshtetësi të huaj apo me nënshtetësi të dyfishtë mund të regjistrohet në çdo klub anëtar i FHK-së me procedurë të paraparë sipas akteve ndërkombëtare të hendbollit.

Për një klub sipas alinesë paraprake gjatë një viti garues mund të regjistrohen numër i pakufizuar i lojtarëve, mirëpo të drejtë paraqitje në lojë në një ndeshje kanë të dejtë më së shumeti 6 lojtarë-e (të cilët shenohen në procesverbal).

Neni 82

Për lojtar nënshtetas të jashtëm, i cili kalon nga ndonjë klub i jashtëm në klub kosovar, Komisionit për regjistrim duhet parashtruar këtë dokumentacion:

- fletëkërkesën e lojtarit me kërkesë të klubit për regjistrim në formë të shkruar në dy kopje (formulari nr.7),
- Certifikatën nderkombëtare të lojtarit të kërkuar nga klubi përmes formularit nr 10,
- dy fotografi të madhësisë 3x4 cm, jo më të vjetra se gjashtë muaj,
- vërtetimin mbi pagesën e bërë prej 30 euro për regjistrim,
- vërtetimin mbi pagesën e bërë prej 100 euro në xhirollogarinë gjegjëse të FHK-së për lojtarë që vijnë nga klubet e jashtme.

Neni 83

Lojtarët më nënshtetësi të huaj apo me nënshtetësi të dyfisht mund të regjistrohet në çdo klub anëtar i FHK-së me procedurë të paraparë sipas akteve normative të FHK-së dhe atyre ndërkombëtare, lojtarët me nënshtetësi të huaj apo me nënshtetësi të dyfisht mund të regjistrohen:

- gjatë afatit kalimtarë të rregulltë
- gjatë mini-afatit kalimtar dhe
- dhe deri në përfundimin e afatit të paraqitjes së Listave në zyrën e EHF-it (data e fundit 28 Shkurt)

XIII. REGJISTRIMI I TRAJNERËVE, GJYQTARËVE, KONTROLLUESVE DHE PERSONAVE TË TJERË ZYRTARË TË FHK-së

Neni 84

Anëtar i FHK-së në cilësinë e trajnerit mund të bëhet çdo person që regjistrohet në administratën e FHK-së në librin gjegjë nën kushtet e parapara me aktet normative të FHK-së dhe Rregulloresë mbi licencim të Shoqatës së trajnerëve.

Neni 85

Librin e evidencës së trajnerëve e mban administrata e FHK-së nën kushtet e parapara me statut të Shoqatës së trajnerëve.

Neni 86

Anëtar i FHK-së në cilësinë e gjyqtarit dhe të kontrolluesve mund të bëhet çdo person që e ka provimin e dhënë për kategoritë gjegjëse të parapara me Rregullore ndërkombëtare të hendbollit, me statutin e Shoqatës së gjyqtarëve dhe kontrolluesve dhe me aktet e tjera të FHK-së.

Neni 87

Librin e evidencës së gjyqtarëve dhe kontrolluesve e mban administrata e FHK-së nën kushte e parapara me status të Shoqatës së gjyqtarëve dhe të kontrolluesve.

Neni 88

Personat e tjerë, vëzhguesit, kryetarët e klubeve, përfaqësuesit zyrtarë të klubeve, mjeku i klubit e të tjerë janë persona që me dëshirë të veten bëhen anëtarë të klubeve dhe regjistrohen në kushtet e parapara në këtë rregullore dhe aktet normative të tjera të FHK-së në librin për regjistrimin e personave të tjerë.

Neni 89

Librin mbi evidencën e personave të tjerë e mban administrata e FHK-së nën kushtet e parapara me aktet normative të FHK-së.

Regjistrimin sipas nenit paraprak për personat e tjerë e bën Komisioni për regjistrim, të cilit duhet bashkëngjitur këtë dokumentacion:

kërkesën e klubit me shkrim për regjistrim të anëtarit të klubit në cilësinë e anëtarit, të shtypur në dy kopje, një fotografi të madhësisë 3x4 cm, vërtetimi mbi pagesën e bërë prej __ euro në xhirollogarinë gjegjëse ose në arkën e FHK-së.

XIV. LIBRI I EVIDENCËS DHE UDHËHEQJA E TIJ

Neni 90

Në bazë të dispozitave të kësaj rregulloreje Komisioni për regjistrim i mban këto libra të evidencës: libri i evidencës së lojtarëve, libri i evidencës së trajnerëve, libri i evidencës së gjyqtarëve dhe kontrolluesve dhe libri i evidencës së personave të tjerë të FHK-së.

Neni 91

Në librat e evidencës të cekura nga neni paraprak medoemos duhet të jenë këto shënime: numri rendor, numri amë i lojtarit, trajnerit, gjyqtarit, kontrolluesit apo personit tjetër, emri, emri i prindit dhe mbiemri, data, muaji, viti dhe vendi i lindjes, data kur e fiton të drejtën në lojë, paraqitje, kalimet prej klubit në klub, data e çregjistrimit nga libri i evidencës dhe rubrika për regjistrimit vjetor.

Neni 92

FHK-së Librat e evidencës të cekura më lart mbahen në evidencë të administratës së dhe mund t'i udhëheqin shoqatat gjegjëse.

XV.MBROJTJA E RREGULLORES

Neni 93

Kunder Vendimit të Bordit të FHK-së lidhur me regjistrimin e lojtarit, pala e pakënaqur ka të drejtë të parashtojë ankesë Gjykatës Komunale të Prishtinës.

Nderkaq për mosmarrëveshjet klub – lojtarë dhe anasjelltas, të cilat nuk mund t'i zgjidhin organet e FHK-së, apo ne rastet kur vendimet e tyre njera palë është e pakënaqur, kompetente është Gjykata e cila autorizohet në kontratën e lidhur ndermjet klubit dhe lojtarit (potencimi i gjykatës së autorizuar në kontratë është i obligueshëm).

XVI. DISPOZITAT KALIMTARE DHE PËRFUNDIMTARE

Neni 94

Këtë rregullore e harton dhe e miraton Bordi i FHK-së.

Dispozitat e kësaj rregulloreje i interpreton Bordi i FHK-së.

Neni 95

Ndryshimet dhe plotësimet e kësaj rregulloreje bëhen me procedurë të paraparë për miratimin e saj.

Neni 96

Kjo rregullore hyn në fuqi prej 01.tetor 2022, ndërsa pushon të vlej Rregullorja e mëparme për regjistrimin e klubeve, lojtarëve, statusi dhe transferi i tyre, e FHK-së e miratuar më 21 janar 2020.

Prishtinë,

01 tetor 2022

Kryetari i FHK-së

Eugen Saraçini d.v.